

شهادات مروعة تصف ما حدث في فض اعتصام مؤيدي مرسي



روى نشطاء وصحفيون شهاداتهم على ما حدث في فض اعتصام رابعة العدوية، والذي قامت قوات الأمن والجيش بفضه بوحشية وعنف شديدين أدى لاحقاً لمقتل المئات وجرح الآلاف من المعتصمين السلميين بينهم صحفيون وإعلاميون ونساء وأطفال وكبار في السن.

وفيما يلي نقل لبعض الشهادات التي قالها النشطاء والحقوقيون والصحفيون أثناء وعقب فض الاعتصام.

فقد قال عماد الدين السيد، المعد بشبكة الجزيرة أنه تم اعتقاله وضربه وتعذيبه بواسطة قوات الجيش، وأنهم بدأوا في ضربه أكثر بعد رؤيتهم لهويته الصحفية وعلمهم بعمله في قناة الجزيرة.

مراسل الجزيرة مباشر عماد الدين السيد تم اعتقاله وضربه وأخذ كل معداته وبطاقته بواسطة الجيش في محيط #رابعة العدوية.

– Amr Magdi (@ganobi) August 14, 2013

”كنت خارج مع موحد من الاعتصام ... شارع يوسف عباس ... وكنت مخبي كارنيه الجزيرة في جيب خفي في الشنطة علشان ميعرفوش اني اعمل بها ... بس الجيش فتش كل حاجة ولقى الكارنيه ... وبدأ كل واحد يباصيني لرتبة أكبر ... اركنهم على جنب ... وبدأت الشتيمة وإحنا ساكتين ... لحد ما جه لواء جيش ... سألني إنت بتاع الجزيرة؟ ... وراح ضربني قلم على وشي وشلوت في قصبة رجلي ... العساكر حبووا يعملوا الواجب ويكملوا ضرب ... بدأت أزقق وأقول محدش يلمسني ... وأنا عاوز أتكلم في التليفون ... راح منفعل ومزعق: إنت بتهددنا يعني ... بتهددنا؟ ... فين حاجته ... هي دي كاميرتك ... هتروح المخابرات الحربية وهم يتصرفوا معاك“

ونقل عماد عن ضابط بالجيش اعترافه بقتل المتظاهرين العزل قائلا ”وضابط جيش قال لي بالحرف: هتعمل نفسك رجل ... آخرتك رصاصة ... وتترمي في الزبالة ... زي ما ناس كتير النهاردة اخترتها رصاصة واترموا في الزبالة ... زي الكلاب“

بعض أصدقائي ذهبوا بالقرب من طيبة مول للبحث عن صديق مفقود. الجثث هناك على الأرض في مداخل العمارات. حقيقة الأعداد مروعة ومرعبة.

– Amr Magdi (@ganobi) August 14, 2013

وقال عماد أن الضابط أخذ منه ومن صديقه ”الموحد بالله“ المعد بنفس القناة، الكاميرا وأجهزتهم المحمولة وحواسيبهم، ومسحوا الكثير من عمله من عليها بالاضافة لدخولهم على حساباتهم على فيس بوك وحذفهم الكثير مما كتبه سابقا.

وروت رميساء رمضان، والتي كانت معتصمة بميدان رابعة العدوية شهادتها قائلة: ”الساعة السادسة والنصف تقريبا كنت عند مدخل طيبة مول ... وفجأة القنابل بتنفجر من كل حته ، من الطيارات ومن على المدرعات اللي كانت وصلت للمدخل ومن على البنايات اللي عند المدخل ، مفيش حد فينا بقا شايف أى حاجة ووشنا بيتحرق من الغاز ومحدث عارف يتنفس وفي نفس الوقت بنجري فى كل حته ، وبدأ ضرب النار علينا بنون من كل مكان ، مطر من الرصاص والناس بتقع قدامى وورايا وقدامى زي الرز ، جانب من جوانب الشارع فيه شوارع جانبية صغيرة والجانب التانى عبارة عن سور طويل ، معظم الشهداء وقعوا فى الجانب اللي ناحية السور لان مفيش اى حاجة يحتموا بيها ، وحببية [تقصد حببية عبدالعزيز الصحفية المشاركة في تغطية الاعتصام] كانت فى الاتجاه ده ، خدت الرصاص قدامى ، قدام عيني وأنا بجري“

وقالت رميساء أن الشرطة لم تكن تكتفي بالقتل فقط، بل إنهم كانوا يحرقون بعض الجثث بعد قتلها، كما أحرقوا العديد من الخيام وبداخلها معتصمون أحياء.

وأضافت رميساء ”اللى كان بيحصل وقتها كان أبشع ما رأيته عيني على الاطلاق ، الجنود بيضربوا بنون ، بيولعوا فى الشجر اللي على الجانبين فى طريق النزّه ،حرقوا أوتوبيسين واقفين ، كان فى اثنين من الشباب معديين بعربية عادى مش تبع الاعتصام اصلا اتصابوا واجد منهم مات والتانى لحقوه فى المستشفى ، القناصة فوق العمارات بيصبوا على اى حد ماسك كاميرا“

وقالت رميساء أنها بينما كانت تحاول الهروب خارج الميدان أو الوصول لأماكن آمنة وجدت جنود الجيش فى وضعية الاستعداد ويغلقون جميع المداخل والمخارج ”الجيش فى وشنا مباشرة وواخدين وضع الاستعداد من على الدبابات وجوا المدرعات وفى سلك شائك وورا السلك كان وصل عدد كبير جدا من المتظاهرين يحاولوا يدخلوا الميدان ولما الاعداد بدأت تزيد أوى بدأ الجيش يرمى قنابل تانى وفتح الرشاشات بنون ، أقسم بالله ما شفت حتى فى افلام زيه ، رصاص زي المطر وفى كل اتجاه وبدأت الناس تقع على الارض“

وروى حقوقيون شهادتهم عما حدث من هجوم على المستشفى الميداني وما تواتر عن حرق الجثث، قال اسماعيل الاسكندراني، الحقوقي والناشط ”مؤكد: تم استخدام قنابل حارقة فى الهجوم على المستشفى الميداني مما أصاب النوافذ ثم أشعل الأكفان فحرقت الجثث بهذا التسلسل ولم يتم استهدافها بالحرق المباشر“ وأضاف ”تم نقل 80 جثة متفحمة منها جثة متفككة من التيبس .. ولا تزال عشرات الجثث فى الطابق الثاني ومثلها فى الثالث“

كما قالت الناشطة آلاء عطية أن بعض الجثث قتلتها القوات المهاجمة حرقا ”فى مسجد الايمان فى اثنين من الجثث ماتوا محروقين وهما احياء يمكن كانوا مصابين وحرقوهم . وهم مجهولين مش معروف

هوياتهم ولقينا ان مفيش جدوى من تصويرهم لان صعب جدا التعرف عليهم“

وعقب وفاة المئات حاول أهلهم وذووهم استصدار تصاريح الدفن كي يتمكنوا من دفن جثثهم، إلا أن شهودا رووا أن وزارة الصحة رفضت إصدار تصاريح الدفن وحاولت القول أن القتلى قضا منتحرين، يقول أحمد بدر الدين الذي قتل خاله في الأحداث ”انا فى المستشفى مع خالو ، روحنا مشرحة زينهم عشان نطلع تصريح الدفن مسبب بالسبب الحقيقى وهو طلق نارى المشرحة رفضت وبتطلع للناس تصاريح مسببة بالانتحار ، الناس رافضة والجثث مرمية بالمئات امام المشرحة فى الجو الحر دا ، مسجد الايمان كمان فيه حوالى 250 شهيد رافضين يطلعولهم تصاريح الدفن حتى الان عشان ما يتفضحوش ، الناس لازم تصر على حقها وتسجل الشهداء بالاصابات الحقيقية ، اللهم انتقم يارب“

وقال محمد السيد الذي فقد ابن خاله برصاص الجيش والشرطة أن وزارة الصحة رفضوا تسليمهم الجثمان قبل إقرار الأهل بوفاة فقيدهم بالسكتة القلبية ”عشان الكل يفهم ويعرف جثمان ”ابن خالي“ أحمد صلاح الدين مدني محمود لحد دلوقتى فى القاهرة .. ومش راضيين يسلمونا الجثة الا لو مضيئا انه مات بسكتة قلبية .. مع العلم ان أحمد اتضرب 3 رصاصات الاولى فى رجله واتعالج .. ورجع تانى للتأمين بالميدان وجاتله رصاصه فى صدره ومنتصف الرأس“